

2104

Bosna i Hercegovina  
Federacija Bosne i Hercegovine  
**KANTON SARAJEVO**  
Kantonalna uprava za inspekcijske  
poslove



Босна и Херцеговина  
Федерација Босне и Херцеговине  
**КАНТОН САРАЈЕВО**  
Кантонална управа за инспекцијске  
послове

Bosnia and Herzegovina  
Federation of Bosnia and Herzegovina  
**CANTON SARAJEVO**  
Cantonal Administration for Inspection Issues

Broj: 14-02-04-05374-2/21  
Sarajevo, Oktobar 26. 2021. godine

Bosna i Hercegovina  
Federacija Bosne i Hercegovine  
**KANTON SARAJEVO**

PRIMLJENO: 29-10-2021			
Organizaciona jedinica	Klasifikaciona oznaka	Broj	Broj priloga
05	04	3006-1511	

**SKUPŠTINA KANTONA SARAJEVO**  
(Na pažnju, predsjedavajućeg, Elvedina Okerića)

21

**PREDMET:** *Odgovor na zastupničko pitanje broj: 01-04-3006-47/21 od 15.10.2021. godine pokrenuto od strane zastupnice Neire Dizdarević, dostavlja se;*

**VEZA:** *Zastupničko pitanje broj: 01-04-3006-47/21 od 15.10.2021. godine*

Vašim aktom broj i datum veze, koji je zaprimljen dana 19.10.2021.godine, dostavili ste na nadležno postupanje Kantonalnoj upravi za inspekcijske poslove Kantona Sarajevo, zastupničko pitanje koje je uputila dana 15.10.2021. godine zastupnica Neira Dizdarević, a koja glasi:

*"Da li je Opća bolnica Abdulah Nakaš postupila po naloženim mjerama KUIP – Inspektorat rada, zaštite na radu i socijalne zaštite, a vezano za utvrđene nepravilnosti konkursne procedure po Javnom oglasu za prijem u radni odnos od 24.06.2021. godine?"*



web: <http://kuip.ks.gov.ba>, mail: [kuip@kuip.ks.gov.ba](mailto:kuip@kuip.ks.gov.ba)  
Tel: + 387 (0) 33 770-100 (centrala)  
+ 387 (0) 33 569-870 (direktor)  
Fax: + 387 (0) 33 770-151, + 387 (0) 33 569-890  
Sarajevo, Aleja Bosne Srebrene bb

Shodno sadržaju zastupničkog pitanja dostavljamo sljedeći

### *ODGOVOR*

Dana 24.08.2021. godine, po osnovu zaprimljenih prijava nezadovoljnih kandidata, kantonalni inspektor rada je izvršio usmjerene inspeksijske nadzore u prostorijama JU Opća bolnica „Prim. dr. Abdulah Nakaš“, te je tom prilikom na osnovu uvida u relevantnu dokaznu dokumentaciju utvrđeno da subjekt nadzora prilikom raspisivanja Javnog oglasa za prijem u radni odnos objavljenog 24.06.2021. godine nije kao dokaz o pripadnosti branilačkoj populaciji, tražio dostavu dokumenata, koja su propisana u prilogu Uredbe o jedinstvenim kriterijima i pravilima za zapošljavanje branilaca i članova njihovih porodica u institucijama u Kantonu Sarajevo, Gradu Sarajevo i općinama u Kantonu Sarajevo (“Službene novine Kantona Sarajevo” broj 37/20 i 27/21) - (u daljem tekstu: Uredba).

Članom 5. stav (4) Uredbe propisano je slijedeće: „Institucije u Kantonu Sarajevo obavezne su prilikom raspisivanja javnog konkursa kao dokaz o pripadnosti branilačkoj populaciji tražiti dostavu dokumenata, koja su propisana u prilogu ove uredbe i čini njegov sastavni dio”.

Naime, predmetnim prilogom Uredbe propisan je popis dokumentacije kojom se dokazuje status korisnika po ovoj Uredbi i to na način da je u istom taksativno navedena pripadnost branilačkoj kategoriji, naziv dokaza-dokumenta kojim se dokazuje navedena pripadnost, te organ koji izdaje naprijed pomenute dokaze-dokumente.

Shodno utvrđenom činjeničnom stanju kantonalni inspektor rada je djelovao izdavanjem upravne mjere Rješenjem kojim je subjektu nadzora, odnosno odgovornom licu u istom, naredeno da tekst Javnog oglasa za prijem u radni odnos, objavljen dana 24.06.2021. godine, uskladi sa članom 5. stav (4) Uredbe.

Subjekt nadzora je navedeno rješenje zaprimio sa danom 01.09.2021. godine, a na isto nije izjavljena žalba drugostepenom organu. O svemu gore navedenom upoznat je i Ured za borbu protiv korupcije i upravljanje kvalitetom Kantona Sarajevo putem akta postupajućeg inspektora rada broj: UP-1-14-09-30-16775/21 od 31.08.2021. godine.

Kantonalna uprava za inspeksijske poslove Kantona Sarajevo, Inspektorat rada, zaštite na radu i socijalne zaštite, zaprimila je dana 08.09.2021. godine obavijest JU Opća bolnica “Prim. dr. Abdulah Nakaš” broj: 10076-3/21 od 03.09.2021. godine u kojoj se navodi da je predmetna ustanova po zaprimanju Rješenja inspektora uputila dopis Uredu za borbu protiv korupcije i upravljanje kvalitetom Kantona Sarajevo, te putem koje se inspektor rada moli da ukoliko se predmetno Rješenje ne izvrši u ostavljenom roku, u skladu sa Zakonom o inspekcijama Kantona Sarajevo produži rok za izvršenje i okončanje navedene procedure.

Shodno navedenom, postupajući inspektor rada je donio Zaključak broj: UP-1-14-09-30-16860/21-09/34 od 07.10.2021. godine kojim se produžava rok za izvršenje upravne mjere naznačene u predmetnom Rješenju za 30 dana od dana prijema ovog zaključka.



web: <http://kuip.ks.gov.ba>, mail: [kuip@kuip.ks.gov.ba](mailto:kuip@kuip.ks.gov.ba)


Tel: + 387 (0) 33 770-100 (centrala)

+ 387 (0) 33 569-870 (direktor)

Fax: + 387 (0) 33 770-151, + 387 (0) 33 569-890

Sarajevo, Aleja Bosne Srebrene bb

S poštovanjem.



**DIREKTOR**

***Mr. Fahir Halilović***

*Dostavlja se:*

- 1. Predsjedavajući Skupštine KS*
- 2. Sekretar Skupštine KS*
- 3. Sekretar Vlade KS*
- 4. a/a*



web: <http://kuip.ks.gov.ba>, mail: [kuip@kuip.ks.gov.ba](mailto:kuip@kuip.ks.gov.ba)

Tel: + 387 (0) 33 770-100 (centrala)

+ 387 (0) 33 569-870 (direktor)

Fax: + 387 (0) 33 770-151, + 387 (0) 33 569-890

Sarajevo, Aleja Bosne Srebrene bb